



Pou Piblikasyon Imedya: 16/05/2022

GOUVÈNÈ KATHY HOCHUL

**GOUVÈNÈ HOCHUL EGZÒTE NOUYÒKÈ YO POU PREPARE YO POU MOVE TAN KI PREVWA AFEKTE KÈK PATI NAN ETA A JISKA LENDI SWA**

*Kèk pati nan Southern Tier, Central New York, Mohawk Valley, Capital Region, Mid-Hudson, ak rejyon North Country gen plis risk tanpèt vyolan nan lendi*

*Gwo van tanpèt yo ka lakòz blakawout, branch pye bwa ak fil kouran tonbe; enpak siplemantè yo ka gen ladan gwo lapli, gwo grèl, loraj danjere ak evantyèl tònad izole*

*N ap egzòte Nouyòkè yo pou yo itilize pridans epi rete vijilan ak kondisyon tan yo k ap chanje byen vit*

Gouvènè Kathy Hochul te egzòte Nouyòkè yo jodi a pou yo pran prekosyon piske gen yon sistèm move tan ki prevwa pase nan kèk pati nan Southern Tier, Central New York, Mohawk Valley, Capital Region, Mid-Hudson, ak rejyon North Country jodi a, avèk plis risk pou tanpèt vyolan. Tanpèt sa yo ka kòmanse nan fen maten an nan kèk pati nan lwès eta a epi ta dwe travèse pati santral ak lwès eta a jiska aswè a. Premye menas tanpèt sa yo se gwo van ak rafal jiska 97 kilomèt alè ki ka lakòz blakawout ak lòt kondisyon danjere akòz pye bwa ak fil kouran yo ki tonbe. Enpak siplemantè tanpèt la ka gen ladan gwo lapli, gwo grèl, loraj danjere ak tònad izole. Gouvènè Hochul te egzòte Nouyòkè yo pou yo itilize prekosyon ak rete vijilan pandan jounen an nan domèn yo prevwa ke move tan pral afekte pou kondisyon yo k ap chanje byen vit.

"Li enpòtan pou Nouyòkè yo itilize prekosyon jodi a ak rete prepare piske move tan gen chans afekte anpil pati nan Eta a", **Gouvènè Hochul te deklare.** "Sistèm tanpèt la k ap travèse New York la gen potansyèl pou lakòz blakawout ak branch bwa ak fil kouran tonbe, epi mwen egzòte tout moun ki nan wout tanpèt sa yo pou yo rete veye meteyo ak prepare pou aji byen vit si move tan frape".

Pou kapab jwenn yon lis konplè sou alèt ak previzyon meteyo yo, vizite sit entènèt Sèvis Meteyowolojik Nasyonal (National Weather Service) la nan <https://alerts.weather.gov>.

Nou ankouraje Nouyòkè yo pou yo enskri pou alèt ijans yo nan abone sou NY Alert nan [alert.ny.gov](http://alert.ny.gov), yon sèvis gratis ki bay enfòmasyon ijans enpòtan nan telefòn selilè ak òdinatè ou.

**Komisè Divizyon Sekirite Teritwa ak Sèvis pou Ijans Eta New York la (Division of Homeland Security and Emergency Services), Jackie Bray, te deklare,** "Nou aktivman ap siveye tout enpak move tan ke tanpèt sa yo ka pote sou wout nou epi kowòdone nenpòt repons nesèsè avèk patnè ajans Eta Nou an ak responsab lokal yo. Nouyòkè yo dwe rete alèste ak prepare pou aji, si nesèsè, nan ka move tan. Asire ou tcheke vwazen ak pwòch ou yo, lè sa posib, pou asire sekirite yo".

### **Konsèy Sekirite pou Move Tan** **Preparasyon**

- Konn konte kote ou rete a epi non vil ki toupre yo. Yo bay avètisman sou move tan vyolan yo pa konte.
- Chèche konnen wout ki gen mwens danje a pou soti lakay ou oubyen biznis ou, pou rive sou teren pi wo ki pa gen danje sizoka ou dwe kite nan prese.
- Devlope epi pratike yon plan "evakyasyon fanmi" epi idantifye yon espas rankont si manm fanmi an vin separe.
- Fè yon lis detaye tout bagay ki gen valè tankou mèb, rad ak lòt objè pèsònèl. Kenbe lis la yon kote ki gen sekirite.
- Fè rezèv estòk ijans manje nan bwat, medikaman ak atik premye swen epi dlo potab. Sere dlo potab nan veso pwòp ki byen fèmen.
- Planifye sa w ap fè ak bèt ou gen nan kay la.
- Kenbe sou lamèn yon radyo pòtab, flach, batri anplis ak ekipman pou fè manje nan sitiasyon ijans.
- Kenbe machin ou ak gaz oswa chaje. Si kouran elektrik la koupe, estasyon gazolin ka p ap ka bay gaz pandan plizyè jou. Kenbe yon ti pwovizyon nan kò machin ou sizoka ta gen katastwòf.
- Kenbe twous katastwòf la sou men, avèk ladan:
  - Flach ak pil siplemantè
    - Radyo ki fonksyone ak batri ak batri ekstra yo
    - Twous premye swen ak manyèl
      - Manje ak dlo pou ijans
      - Kle ki pa elektrik pou ouvri kanèt yo
      - Medsin esansyèl yo
        - Chekye, lajan kach, kat kredi, kat ATM

### **Inondasyon Rapid:**

- Pa janm eseye kondui nan yon wout ki inonde. Vire tounen epi fè yon lòt wout.
- Si dlo kòmanse monte rapid bò kote ou nan machin ou, abandone machin lan imedyatman.

- Pa souzestime pwisans dlo k ap kouri vit. De pye dlo inondasyon k ap kouri rapid pral fè machin ou flote epi dlo k ap kouri ak yon vitès 3.2 kilomèt pa èdtan ka pote ale machin ki sou wout oswa sou yon pon.

## Zèklè

- Swiv règ 30-30 lan: Si tan ant moman ou wè ekla zèklè an epi koute kout loraj la se 30 segonn oswa mwens, kout zèklè an pre ase pou li frape ou. Chèche abri imedyatman. Apre dènye ekla zèklè an, rete tann 30 minit anvan ou soti nan abri ou an.
- Kout zèklè yo frape bagay ki pi wo an. Si ou anlè yon liy pye bwa, pase anba li byen vit epi akwoupi si ou nan yon zòn ki ekspoze.
- Si ou pa kapab ale nan yon abri, rete lwen pye bwa yo. Si pa gen abri, akwoupi nan zòn ki ekspoze, epi rete lwen a yon distans doub fwa longè pye bwa a.

## Tònad

- Si ou deyò epi yo bay avi yon tònad, chèche abri imedyatman. Si w pa gen okenn kote tou prè w pou w mete w alabri, kouche plat atè nan yon fose oswa yon kote ki ba epi mete menm w sou tèt ou.
- Si ou lakay ou oswa nan yon ti bilding, ale nan sousòl lan oswa nan yon pyès pa andedan nan etaj ki pi ba nan bilding lan. Pa kanpe bò fenèt yo. Plaka, chanm deben, ak lòt espas chanm enteryè yo ap pwoteje w pi byen. Antre anba yon bagay ki solid oswa kouvri tèt ou ak yon matla.
- Si ou nan yon lekòl, yon lopital, oswa yon sant komèsyal, ale nan zòn abri yo deziyen alavans lan. Pa kanpe nan espas ouvè ki laj yo aswa bò fenèt yo. Pa soti deyò pou al nan machin ou.
- Si ou nan yon bilding ki wo anpil, ale nan yon ti pyès pa andedan oswa nan koulwa nan etaj ki pi ba posib la. Pa itilize asansè - itilize eskalye pito.

Pou plis konsèy sou sekirite, ale sou sitwèb Divizyon Sekirite Enteryè ak Sèvis Ijans (Division of Homeland Security and Emergency Services) Eta New York la nan [www.dhSES.ny.gov/safety](http://www.dhSES.ny.gov/safety).

###

Lèt nou vèl disponib sou sit [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418